

E Lisimbein

Spanto ta drenta hende ora bo mira un lisimbein di 26 pa 30 cm. di largura.

E ta biba den luganan scur y humedo, manera bao di concha di palo, piedra of den foyo di mata.

E ta un carnívora, e ta jaag riba insecto, parha chikito den neishi, dori, raton, cacalaca y bestianan cu ta lastra.

E klier cu veneno potente ta den e pianan di su cachete. E veneno no ta mata hende.

Solamente si e persona tin complicacion di otro malesa of infeccion secundario, por tin peliger di morto.

E lisimbein muher ta traha un buraco den un luga scur unda e ta pone un gran cantidad di webo. E ta proteha su webonan of jiunan lorando su curpa rond di nan. Na hulandes nan ta jame duizendpoot, na ingles centipede, pero e no tin ni 1000 ni 100 pia. E lisimbein tin un cantidad di mas of menos 20 pa 23 paar di pia. Nan ta di colo maron scur y e tenchinan geel ta move rapidamente ora di peliger. Lisimbein chikito tin colo scur y nan tin menos pia.

Fuente: Katern Stimaruba - Conexion Ambiental.
Cu autorizacion di Sra. Olinda Rasmijn.





Photo: Wim Wijmering



E magia di webo


Awa salo tin mas densidad cu awa fresco, pesey ta mas facil pa drief den lama. Pa haci un prueba di esaki bo mester di: 2 glas, salo, y 2 webo.

Prueba#1:

Mescla hopi salo (mas o menos 10 cuchara) den mitar glas di awa. Yena e di dos glas mitar yen cu awa fresco (awa di kramchi). Purba pone un webo drief den cada glas. Esun cu tin salo ta asina **denso** (mas cu e webo mes), cu e webo ta keda drief, ni ki bo haci! Siendo cu e webo ta mas denso cu e awa fresco, pesey esaki ta sink.

Prueba #2:

Tuma e dos glasan di e prome prueba, y poco poco basha e awa fresco den e awa salo. Usa un telep pa laga e awa fresco basha mas suave den e otro glas. **No mescla e dos awanan aki!** Ora caba, pone e webo poco poco den e glas, y mira kiko ta pasa....:)





Chabalito

Number 10 - Año XI



3.00

BIBLIOTECA NACIONAL ARUBA



3 0993 00294 180 5